

PUNKTAR OG PISTLAR

úr starfi Rótarýklúbbsins Reykjavík-Miðborg

1. tbl. 1. árg. jan-maí 1996



Úr sumarferð Rótarýklúbbsins Reykjavík-Miðborg út í Viðey í ágúst 1995. Mynd: LM.

Svona varð klúbburinn til

Pegar kona í Bandaríkjunum stefndi Rótarýhreyfingunni fyrir misrétti árið 1987 svo úr varð dómsmál, vaknaði héraendis umræða um nauðsyn þess að heimila íslenskum konum aðgang að Rótarýhreyfingunni.

Til langs tíma hafa eiginkonur Rótarýfélaga á Íslandi haft með sér sérstakan félagsskap sem heitir „Inner wheel“.

Rótarýklúbbur Reykjavíkur tók af skarið og beitti sér fyrir undirbúningsfundi 25. apríl 1994 sem miðaði af því að stofna blandaðan Rótarýklúbb, með þátttöku karla og kvenna. Klúbburinn gekk rösklega til verksins og fékk til liðs við sig nokkra einstaklinga sem tóku síðan við framkvæmdinni og luku henni með stofnun klúbbsins sem við erum aðilar að í dag. Þessir einstaklingar eru nú stofnfélagar klúbbsins og eru þeir þrjátíu að tölu.

Rótarýklúbburinn Reykjavík-Miðborg var síðan stofnaður þann 30. maí 1994 og var þá kosin fyrsta stjórn klúbbsins sem var þessi fyrsta starfsárið:

Sólveig Pétursdóttir, forseti,
Birgir Ómar Haraldsson, varaforseti,
Kristín Guðmundsdóttir, gjaldkeri,
Brynjólfur Helgason, ritari,
Garðar Siggeirsson, stallari.

Fyrsti reglulegi fundur klúbbsins var haldinn þann 3. október 1994. Síðan hafa verið reglulegir fundir á mánudögum að Hótel Borg. Það er mikil tenging á milli okkar klúbbs í miðborg Reykjavíkur og móðurklúbbsins. Fundir Rótarýklúbbsins Reykjavík-Miðborg eru haldnir á Hótel Borg þar sem Rótarýklúbbur Reykjavíkur var formlega stofnaður og svo hefur okkar

klúbbfáni í sér tákmyndir, tvær öndvegissúlur Ingólfs Arnarsonar en í fána móðurklúbbsins Rótarýklúbbs Reykjavíkur er mynd af stytta Ingólfs Arnarsonar. Þessir tveir klúbbar ættu í reynd að auka sínar tengingar enn frekar.

Klúbburinn fékk gott fararnesti frá móðurklúbbsnum í upphafi starfsins, fundarhamar og áritaða fundarbjöllu. Klúbburinn starfaði óslitið og var starfsemin öflug frá fyrsta degi þrátt fyrir að klúbburinn hefði ekki fullgildingu Rótarýhreyfingarinnar. Stjórn klúbbsins hefur verið samstillt og eflst í þekkingu sinni á vegum hreyfingarinnar.

Fullgildingarhátið klúbbsins var síðan haldin þann 16. nóvember 1995 eða rúmlega ári eftir að regluleg starfsemi klúbbsins hófst.

Margir félagar í móðurklúbbsnum Rótarýklúbbsi Reykjavíkur studdu vel við og unnu að stofnun Rótarýklúbbsins Reykjavík-Miðborg ásamt fulltrúum umdæmisins.

En eftirfarandi Rótarýfélagar komu þar að verki meira en aðrir: Birgir Ísleifur Gunnarsson, Páll Sigurjónsson, Jón Hákon Magnússon, Eiríkur Hans Sigurðsson, Ólafur Helgi Kjartansson, Valdimar Ólafsson og Steinar Friðgeirsson. eru þeim sendar bestu kveðjur og þakkir.

*Sólveig Pétursdóttir,
fyrirverandi forseti.*

Fyrirlesarar hjá Rótaryklúbbum Reykjavík-Miðborg

Janúar 1996

**Gunnar Scheving
Thorsteinsson**
verkfræðingur: Vietnam og
möguleikar þar.

Sólveig Pétursdóttir,
alþingismaður og
lögfræðingur:
Saga Rótaryklúbbsins
Reykjavík-Miðborg.

David G. Wagner,
viðskiptafultrúi í
bandaríska sendiráðinu:
Starfsgreinaerindi.

Steinunn Kristjánsdóttir
fornleifafræðingur:
Þórisárkumlið.

Febrúar 1996

Gunnar Svavarsson,
forstjóri Hampiðjunnar:
Starfsgreinaerindi.

Bera Nordal listfræðingur:
Listasafn Íslands.

Jenny Jochens:
Old Norse Motherhood.

Leifur Breiðfjörð
glerlistamaður: Yfirsýn.

Mars 1996

Guðmundur Þóroddsson
vatnsveitustjóri:
Vatnsveita Reykjavíkur.

Ólafur Nilsson lögg.
endurskoðandi:
Skattlagning
fjármagnstekna.

Vilhjálmur Þ. Vilhjálmsson,
borgarfulltrúi og
lögfræðingur:
Flutningur grunnskóla til
sveitarfélaga.

Pétur Blöndal
alþingismaður:
Fjármagnstekjuskattur.

Apríl 1996

Margrét Guðmundsdóttir,
forstöðumaður markaðs-
sviðs Skeljungs:
Starfsgreinaerindi.

Heimir Þorleifsson
menntaskólakennari:
Menntaskólinn í Reykjavík.

**Ólafur Oddsson, starfs-
maður Skógræktar**
ríkisins: Skógrækt á Íslandi.

PUNKTAR OG PISTLAR

Útgefandi: Rótaryklúbburinn
Reykjavík-Miðborg.
1. töl. 1. árg. maí 1996
Útlit: Næst... Fjölritun: Stensill

Ávarp umdæmisstjóra

Kæru Rótaryfélagar, gleðilegt sumar! Það var mér mikið gleðiefni er mér var tjáð að Rótaryklúbburinn Reykjavík - Miðborg væri að hefja útgáfu fréttablaðs fyrir klúbbfélaga sína til að auka fróðleik og efla þekkingu þeirra á málefnum Rótaryhreyfingarinnar. Slík útgáfa er mjög mikilvæg - einkum á fyrstu starfsárum nýrra klúbba. Nokkrir klúbbar hér á landi hafa staðið að útgáfu klúbbbréfa um lengri eða skemmri tíma og sumir allar götur frá stofnun viðkomandi klúbbs. Þeir hafa ekki aðeins dreift fréttabréfum innan eigin klúbbs heldur einnig sent þau til forseta allra klúbba á landinu og stuðlað þannig að aukinni kynningu og fróðleik um klúbbstarfsemina til annarra klúbba.

Hefur þetta gefið hinum eldri klúbbum nýjar og ferskar hugmyndir, örvað starfsemi og aukið kynni milli þeirra. Ég hef fylgst nokkuð með starfsemi og framvindu klúbbs ykkar frá stofnun og tel að þið megið vera bæði stolt og ánægð yfir því hvernig starfið hefur þróast og hvílíkur mannaður er saman kominn í ykkar félagahópi. Af starfi ykkar fyrir landið, þjóðina og á alþjóðavettvangi væntum við Rótaryfélagar því mikils. Að lokum óska ég ykkur til hamingju með hið nýja blað og minni ykkur á að hafa alltaf í huga kjörorð þessa Rótaryárs um: Ráðvendni - Kærleik - og frið.

Ásgeir Jóhannesson,
umdæmisstjóri 1995-1996

Rótaryklúbbur heimsóttur í Kína- hverfinu í New York

Þegar Rótaryfélagar skipuleggja utalandsferðir ættu þeir að hafa í huga þann möguleika að heimsækja samtímis erlendan Rótaryklúbb.

Ég var á ferð í New York í nóvember sl. og var ákveðinn í að heimsækja þar Rótaryklúbb. Auðveldlega gekk að finna símanúmer Rótaryhreyfingarinnar í New York og þar fékk ég þær upplýsingar að klúbbarnir væru æði margir í borginni en var bent á að gaman gæti verið fyrir mig að heimsækja klúbbinn í China Town. Fannst mér hugmyndin góð og hringdi í stallaara klúbbsins, Mr. Chowong, og hann leiðbeindi mér og sagði þetta vera á East-Broadway á veitingahúsinu Golden Dragon á annarri hæð. Þetta reyndist vera um 25 mín. akstur í leigubíl og endaði ökuferðin í Kínahverfinu miðju þar sem allt líktist frekar götu í Shanghai en NY. Veitingahúsið Golden Dragon er risastórt og veitingasalurinn var þéttskipaður en brosmildur þjónn vísaði mér þegar í einkaherbergi þegar hann sá Rótarymerkið í jakkanum mínum. Við tvö risastór hringborð sátu Rótaryfélagarnir, bæði karlar og konur. Var þetta um þrjátíu félaga klúbbur og meirihluti félagana af austurlenskum ættum.

Rítarinn tók á móti mér, skrifaði nafnið mitt á límmiða og setti á skyrtubríjóstið og vísaði mér síðan til sætis. Sá ég síðan að allir Rótaryfélagarnir voru með barmmerki sem á stóð nafn þeirra og staða. Matur var þegar á borðum og snérist á miðhluta borðsins stór hringdiskur og þar á voru skálar með margvíslegum réttum. Borðfélagar mínir voru allir austurlenskir utan tveir sem voru erlendir gestir eins og ég. Allt var þarna frábrugðið því sem ég hafði kynnst á Rótaryfundunum á Íslandi.

Sessunautur minn af kínverskum ættum sneri í sífelli hringdisknum stóra og hlóð nýjum réttum á diskinn minn og sagði mér heiti þeirra, aðrir við hringborðið töluðu í sífelli bæði á kínversku og ensku. Mikið var hlegið og samræður háværar en fjörugar. Helst var rætt um viðskipti og gengi gjaldmiðla og verðbréfa. Forseti klúbbsins, sem var hvítur, kynnti gesti sem voru frá Þýskalandi, Englandi og Íslandi. Síðan tóku við fundarstörf sem voru afar einföld og aðeins eitt mál á dagskrá: að ráðstafa skynsamlega 6.000 dollurum til aðstoðar öldruðum í hverfinu. Var aðaláhbyggjuefni stjórnarinnar hvernig best væri að komast í hverfisdagblaðið þegar gjöfin væri afhent öldrunarfulltrúanum!

Líkaði mér vel þessi Rótaryheimsókn en hugsaði þó að ekki þætti það boðlegt á Hótel Borg ef allir sætu þar á skyrtunum að snæðingi og sötruðu bjór með miklu málæði og hlátrasköllum. Sinn er síður í landi hverju og hvet ég Rótaryfélaga til að kynna sér fundasiði erlendra þjóða þegar til þess gefst tækifæri.

Bjarni Dagur Jónsson

Pann 16. nóvember sl. var haldin fullgildingarhátíð Rótarýklúbbsins Reykjavík-Miðborg. Hátíðin var haldin í Gyllta salnum á Hótel Borg.

Hátíðin hófst með formlegum hætti kl. 19.30 þegar klúbbfélagar og gestir gengu inn á Skuggabarrinn undir hugljúfri tónlist barna og unglunga sem stunda nám í Tónlistarskóla Íslenska Suzuki-sambandsins. Leikin voru létt lög á fiðlur en undirleikari var Kristinn Örn Kristinsson.

Forseti klúbbsins, frú Sólveig Pétursdóttir, setti formlega hátíðina og sagði frá aðdragandanum að stofnun klúbbsins og sagði frá fyrstu stjórn og starfsemi hans. Forseti tilnefndi síðan Ólaf Ragnarsson, féлага í klúbbnum, sem veislustjóra hátíðarinnar. Eftir forréttinn, fyrsta réttinn af fjórréttu matseðli, steig umdæmisstjórninn Ásgeir Jóhannesson í pontu og fagnaði hann mjög stofnun þessa klúbbs og sagði vel vera staðið að starfsemi hans. Ásgeir umdæmisstjóri kallaði síðan til Sólveigu Pétursdóttur forseta klúbbsins og Ólaf Helga Kjartansson fv. umdæmisstjóra sér til aðstoðar til þess að afhenda henni fullgildingarskjal Rótarýhreyfingarinnar. Ólafur Helgi tryggði að fullgildingarskjalið væri gefið út fyrir 1. júlí 1995, og undirritaði það ásamt Bill Huntley.

Eftir afhendingu fullgildingarskjalsins tóku ýmsir til máls og óskuðu klúbbnum heilla og afhentu fána og aðrar gjafir.

Guðni Guðmundsson, varaforseti Rótarýklúbbs Reykjavíkur, fagnaði því að ísinn væri nú brotinn og konur teknar inn í Rótarýklúbb sem fullgildir félagar. Hann sagði klúbb sinn stoltan af þessu afkvæmi sínu og væntir góðs af samstarfi milli klúbbanna.



Glæsileg fullgildingarhátíð

Tryggvi Pálsson, varaforseti Rótarý-Austurbær afhenti fána síns klúbbs jafnframt og að óska klúbbnum innilega til hamingju með þennan merka áfanga. Benjamín Magnússon, forseti Rótarý-Kópavogs, óskaði klúbbnum innilega til hamingju með áfangann og sagðist fagna því að hreyfingin hefði haft dug og djörfung til þess að höggva á þennan Gordíonshnútt gagnvart aðgengi kvenna að hreyfingunni.

Eiríkur Hans Sigurðsson, formaður útbreiðslunefndar Rótarýhreyfingarinnar, fagnaði fullgildingunni klúbbsins og taldi nefndina hafa verið í eins konar „pabba“ hlutverki með móðurklúbbnum og að sannarlega hefði vel tekist til með afkvæmið.

Margir klúbbar sendu heillaóskaskeyti, m.a. Rótarýklúbbarnir á Akranesi, Ólafsfirði og margir fleiri.

Sólveig Pétursdóttir forseti þakkaði hjartanlega fyrir allar góðar óskir til handa okkar klúbbi. Hún sagði að í raun markaði Rótarýklúbburinn Reykjavík-Miðborg viss þáttaskil í sögu hreyfingarinnar þar sem jafnrétti kynjanna væri nú innan hennar eins og vera skal í landinu samkvæmt stjórnarskránni. Hún sagði einnig að margir efasemdarmenn um aðild kvenna hefðu komið á fund til okkar og líkað þar dvölin býsna vel!

Sólveig upplýsti einnig í ræðu sinni að á þessu ári væru 60 ár liðin frá því að móðurklúbburinn Rótarýklúbbur Reykjavíkur fékk sitt fullgildingarskírteini.

Síðar á fullgildingarhátíðinni var forseti Íslands, frú Vigdís Finnbogadóttir, tekin inn sem félagi í Rótarýklúbbinn Reykjavík-Miðborg. Sólveig Pétursdóttir ásamt

Ásgeiri Jóhannessyni umdæmisstjóra framkvæmdu inntökuna; var frú Vigdís 38. félaginn í klúbbnum.

Forseti Íslands tók til máls og sagði það vera sér einstaka ánægju að vera orðinn félagi í Rótarýklúbbnum Reykjavík-Miðborg. Vigdís sagði á á sínum yngri árum hefði sig ávallt langað til að verða meðlimur í Rótarýhreyfingunni. Nú mörgum árum síðar opnaðist henni hreyfingin og þá uppfylltust óskir barnsáranna.

Frú Vigdís hafði löngu áður markað sín spor í Rótarýhreyfingunni og er líklega fyrsta konan sem heldur fyrirlestur í móðurklúbbnum Rótarýklúbbi Reykjavíkur. Þetta gerðist í Oddfellowhúsinu og fannst henni það mikil upphefð á sínum tíma að halda erindi á þeim fundi. Að lokum sagði Vigdís að sér væri sæmd að því að verða Rótarýfélagi, hún myndi bera merkið stolt og hlakkaði til þess að starfa í klúbbnum okkar.

Eftir að matur hafði verið snæddur komu fram landsfrægir söngvarar og skemmtu gestum í Gyllta salnum, þeir Bergþór Pálsson og Ragnar Bjarnason. Var söngur þeirra bæði skemmtilegur og óvæntur og öllum til mikillar ánægju, sérstaklega þegar þeir sungu saman frægan slagara „My way“ sem Frank Sinatra gerði frægan á sínum tíma.

Var setið undir borðum við gleði og gaman langt fram yfir miðnætti. Þykir þessi skemmtun hafa verið ánægjuleg og aukið á kynni félaganna og maka þeirra. Öllum sem að undirbúningi hennar og framkvæmd stóðu var hún til mikils sóma.

Birgir Ómar Haraldsson, forseti.

Tónleikar með Sigrúnu (Diddú) Hjálmtýsdóttur og Jónasi Ingimundarsyni í Gerðarsafni

Móðurklúbburinn okkar, Rótaryklúbbur Reykjavíkur, bauð félögum úr Rótary Miðborg að kaupa miða á tónleika Sigrúnar og Jónasar í Gerðarsafni í Kópavogi. Tónleikarnir voru sérlega skemmtilegir og í hléi var boðið upp á léttar veitingar. Skemmtileg uppákoma var á þessum tónleikum þegar Hjálmtýr faðir Sigrúnar steig á svið og söng með henni tvö lög við feikilega góðar undirtektir áheyranda. Þetta var í fyrsta sinn sem Hjálmtýr og Diddú sungu saman á opinberum tónleikum.

Heilabrot Rótaryfélagans

Það er fátt skemmtilegra en að glíma við gátu. Hér kemur ein og fær sá félagi verðlaun sem fyrstur sendir rétta lausn á gátunni til ritnefndarinnar í bréfasíma 881 1258.

Heilabrot: Tveir Rótaryfélagar ræddu um aldur sinn. Annar sagði: Fyrri talan í mínum aldri er tvisvar sinnum seinni talan í þínum aldri. Seinni talan í mínum aldri er tvisvar sinnum fyrri talan í þínum aldri. Samt er ég bara sex árum eldri en þú. Hve gamlir eru Rótaryfélagarinn tveir?

Næsta fréttabréf

Fyrsta fréttabréfið er í höfn. Fæðingin var „örlítíð“ snúin, en úr leystist með góðri samvinnu þegar nefndin hafði ákveðið útlit og framsetningu.

Næsta fréttabréf kemur væntanlega út í júlí og meðal efnis er fyrsti Rótaryfundurinn á Bessastöðum, sumarferðalag- ið, fyrirlestrar næstu mánaða, vetrarstarfið og fréttir af fimm- tugasta umdæmisþingi Rótary- hreiðingarinnar í Kópavogi.

Punktur og Pistlar, útgáfunefnd: Bjarni Dagur Jónsson; form. Ólafur Ragnarsson, Þórhildur Línadal, Daði Guðbjörnsson, Hanna Kristín Guðmundsdóttir.

Nýtt fréttabréf hefur göngu sína

Kæru Rótaryfélagar.

Mikilvægt skref er stigið þegar nýtt fréttabréf, **Punktur og Pistlar**, hefur göngu sína en það hefur fyrst og fremst tvenns konar tilgang:

Að efla öll samskipti innan klúbbsins og að vera rödd og ímynd klúbbsins útávið. Þetta kemur skýrt fram þegar lesið er í gegnum fréttabréfið. Fjallað er um hvað er að gerast hjá félögum okkar, áriðandi tilkynningar eru birtar og léttar fréttir. Afar nauðsynlegt er fyrir nýjan klúbb að eiga eigin vettvang eins og fréttabréfið Punkta og Pistla. Það er nauðsynlegt stjórn klúbbsins til þess að miðla upplýsingum til félaganna á virkan og skemmtilegan hátt. Reynt er að fara ótroðnar slóðir og gera fréttabréfið líflegan en virkan upplýsingamiðil.

Heiti fréttabréfsins er hugmynd Ólafs Ragnarssonar sem er í útgáfunefndinni og tengist nafn fréttabréfsins vel yfirbragði og efni þess.

Enginn vafi er á að fréttabréfið mun efla ímynd klúbbsins. Reynt verður að gera það líflegt og verður því dreift til allra Rótaryklúbba landsins. Vonast er til að slík dreifing stuðli að auknum heim- sóknum frá félögum annarra klúbba. Að lokum vil ég ítreka að allar tillögur um efni í fréttablaðið eru vel þegnar og skal koma þeim til útgáfunefndar. Við þökkum nefndinni fyrir fórnfúsa vinnu við útgáfu Punkta og Pistla.

*Rótarykveðjur,
Bjarni Ólafur Haraldsson,
forseti.*



Sögufrægur fundarstaður miðborgar-klúbbsins

Reglulegir fundir Rótaryklúbbsins Reykjavík-Miðborg eru kl.12.15 á mánudögum í Gyllta salnum á Hótel Borg. Hótelíð er ætíð kennt við Jóhannes Jóhannesson glímukappa og íþróttamann sem ferðaðist með sýningar- flokkum um Evrópu og Ameríku og efnaðist vel. Jóhannes hóf byggingar- framkvæmdir árið 1928 og var hótelíð fullbúið fyrir Alþingishátíðina 1930.

Guðjón Samúelsson húsameistari ríkis- ins teiknaði hótelíð og kostaði það fullbúið þrettán hundruð þúsund krónur og átti Jóhannes helminginn af því fé handbært sjálfur. Jóhannes og Karólína kona hans ráku hótelíð til ársins 1960.

Margt mætti segja af sögu hótelsins og starfseminni þar, t.d. voru á „Borginni“ haldin stærstu og veglegustu mannamót fyrri ára s.s. stórveisla ríkisstjórnar Íslands að kvöldi 18. júní 1944.

Heimsfrægir leikarar, listamenn, stjórn- málamenn og þjóðhöfðingjar hafa gist hótelíð um lengri eða skemmri tíma. Rótaryklúbburinn Reykjavík-Miðborg valdi hótelíð sem aðsetur sitt vegna stað- setningar þess í miðborginni og heitis klúbbsins. Fundarstaðurinn hentar klúbbnum afar vel. Hefur samstarf klúbbsins við rekstraraðila hótelsins verið með miklum ágætum. Fundarsalur Rótaryklúbbsins er í Gyllta salnum sem er líklega fegursta perla hótelsins. Þar hafa verið haldnar stórveislur, dans- leikir, leiksýningar og merkilegir fundir. Einn vegg hluti Gyllta salarins er merki- legur fyrir þær sakir að þar hefur varð- veist freska, ein af mörgum sem ítalskur málari gerði á vegg salarins árið 1930. Tómas Tómasson veitingamaður sem í dag rekur hótelíð hefur látið breyta því til fyrra horfs svo glæsileiki þess kemur í ljós á ný. Það verk önnuðust Páll Hjalta- son arkitekt og Ingibjörg Pálmadóttir innanhússhönnuður. Veitingasalir eru fjórir talsins í hótelinu. Matar- og vín- klúbbur AB valdi Hótel Borg veitingahús ársins 1994.

Bjarni Dagur Jónsson.